

Zeitschrift: Annalas da la Societad Retorumantscha
Herausgeber: Societad Retorumantscha
Band: 103 (1990)

Artikel: Prefacziun tigl rapport annual 1989
Autor: Cantieni, Toni
DOI: <https://doi.org/10.5169/seals-235522>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Prefacziun tigl rapport annual 1989

da Toni Cantieni, persoura LR

Igl *resung positiv dalla SCUNTRADA 1988* a Scuol ò catto la continuaziun ainten diversas activitads dalla Leia rumauntscha igl onn da gestiun 1989. Egna da chellas activitads da prioritad è stada la labour dalla cumischung per elaborar en project per ena gasetta digl de. La fundaziun Stapferhaus a Lenzburg ò finanztgia chesta labour e mess a disposiziun igl secretariat per las labours administrativas. Chesta fundaziun marea noss angraztgamaint e nossa rancunaschientzschia.

La radunanza da delegos digl december 1989 è sa regurdada digl giubileum da *70 onns Leia rumantscha*. En supplemaint bagn redigia ò laschea repassar igls evenimaints principals digls onns 1919 anfignen 1989. Chesta cronica dat perdetga dad en'immensa labour e dad en grond angaschamaint digls Rumantschs durant 7 decennis.

Cun en rapport fundo ed extendia ò la *cumischung d'experts dalla Confederaziun* preschianto la situaziun actuala digls quatter lungatgs svizzers ed an madem taimp fatg propostas per en nov artetgel 116 dalla constituziun federala. La moziun Bundi, inoltrada digls parlamentaris grischuns igl onn 1985, ò cun chest rapport cuntanschia l'attenziun da dimensiun naziunala e mess igl fundamaint per las discussiuns pertutgant la revisiun digl artetgel constituzional 116. An madem taimp ò ena gruppa da labour sot la presidenza da cunseglier guovernativ Joachim Caluori continuo cun la labour da preparaziun per ena lescha da promozion da lungatgs pigl Cantun Grischun. Chestas discussiuns na porschan betg angal l'occasiun da tgapeir migler igls problems da mintga lungatg, ellas promovan er igls contacts tranter igls exponents dallas differentas regiuns.

Bungs resultats òn er purto las discussiuns cugls *Rumantschs alla Bassa*. Proximamaintg vign tracto en sboz per en reglamaint tgi dess normar ena collaboraziun pi stretga tranter igls organs dalla LR e las organisaziuns digls Rumantschs dalla Bassa.

Nossas *radunanzas da delegos* digl onn 1989 a Vella ed a Coira òn piglia en bung andamaint. A Vella ins ògl prolungo las decisiuns da Falera e da Veulden pertutgant igl rumantsch grischun. La radunanza da delegos digl december a Coira ò accepto ena resoluziun concer-

nent ena dumonda agl Cantun ed alla Confederaziun per augmentar las contribuziuns dalla LR. Gl'è necessari dad aglmanc angulivar la carascheia per igls onns 1984–1990.

Plaschевlamaintg ò do igl Cantun Grischun en'amprema contribuziun da fr. 100'000.– per igls *vocabulary idomatics*. Bagn dalunga ins vottigl scumanzar cun las labours preparatoricas ved chests vocabularis. Igl antier project per chesta ovra fundamentala vign a caschunar gronds costs. Gl'è pero indispensabel da metter a disposiziun tals vocabularis per pudeir rinforzar e francar igls idioms.

Betg adegna ampernevlas èn stadas las discussiuns concernent la dumonda dall'*applicaziun digl rumantsch grischtun*. Tant daple lessans angratzger a tots chels tgi òn gido a promover en bung clima ed igl bung spiert digl dialog. Naturalmaintg stuainsa er nous esser averts per la critica; chella dess però adegna esser constructiva. Lagn perchegl adegna puspe sarrar las retschas e tschartger communablamaintg las maseiras adequatas per dar forza e taimpra agl muviment rumantsch. An chest sentimaint admettan tots igls organs dalla LR e dallas uniuns affiliadas igl miglier angratzgamaint a tots e tottas tgi on er igl onn da gestiun contribuia cun pled e fatg a nossa labour culturala.